

ЎЗБЕКИСТОН RESPUBLIKASI VAZIRLAR MAҲKAMASINING  
ҚАРОРИ

**233** Давлат хавфсизлигини таъминлаш манфаатлари нуқтаи назаридан гаров ва ипотека қўлланилиши мумкин бўлмаган объектлар тоифалари рўйхатини тасдиқлаш тўғрисида

«Гаров тўғрисида» ва «Ипотека тўғрисида»ги Ўзбекистон Республикаси қонунларига мувофиқ, Ўзбекистон Республикаси Президентининг «Қонунларнинг ҳаволаки нормаларини амалга оширишга қаратилган норматив-ҳуқуқий ва бошқа ҳужжатларни ишлаб чиқиш режаларини тасдиқлаш тўғрисида» 2013 йил 15 июлдаги ПҚ–2003-сон қарорини ва Ўзбекистон Республикаси Вазирлар Маҳкамасининг «Тарихий, бадиий ёки ўзга маданий қимматлилиги туфайли гаров ва ипотека қўлланилиши мумкин бўлмаган объектлар рўйхатини тасдиқлаш тўғрисида» 2014 йил 5 декабрдаги 335-сон қарорини бажариш юзасидан ҳамда давлат хавфсизлигини таъминлаш манфаатлари нуқтаи назаридан Вазирлар Маҳкамаси **қарор қилади:**

1. Давлат хавфсизлигини таъминлаш манфаатлари нуқтаи назаридан гаров ва ипотека қўлланилиши мумкин бўлмаган объектлар тоифалари рўйхати иловага мувофиқ тасдиқлансин.

2. Вазирликлар ва идоралар бир ой муддатда ўз идоравий норматив-ҳуқуқий ҳужжатларини ушбу қарорга мувофиқлаштирсинлар.

3. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Ўзбекистон Республикасининг  
Бош вазири

Ш. МИРЗИЁЕВ

Тошкент ш.,  
2015 йил 8 май,  
114-сон

Вазирлар Маҳкамасининг  
2015 йил 8 майдаги 114-сон қарорига  
ИЛОВА

**Давлат хавфсизлигини таъминлаш манфаатлари нуқтаи  
назаридан гаров ва ипотека қўлланилиши мумкин  
бўлмаган объектлар тоифалари  
РЎЙХАТИ**

1. Ўзбекистон Республикаси ҳудуди доирасида ер ва ер ости бойликлари.
2. Миллий архив фондининг давлатга тегишли қисми таркибига кири-тилган архив ҳужжатлари, илмий-тадқиқот муассасаларининг архивлари, фондлари.
3. Муҳофаза этиладиган табиий ҳудудлар.
4. Ўзбекистон Республикаси Давлат бюджети, Ўзбекистон Республикаси халқаро захиралари, Ўзбекистон Республикаси Молия вазирлиги, Марказий банки, Тикланиш ва тараққиёт жамғармаси, давлат мақсадли фондлари маблағлари, халқаро операциялар ва ҳисоб-китобларни амалга ошириш билан боғлиқ ҳолатлар, шунингдек Ўзбекистон Республикаси Президенти ва Ўзбекистон Республикаси Вазирлар Маҳкамасининг айрим қарорлари билан назарда тутилган ҳолатлар бундан мустасно.
5. Пул белгиларини, қимматли қоғозларни, орденларни ва медалларни ишлаб чиқаришни таъминловчи давлат корхоналари ва объектлар.
6. Ўзбекистон Республикаси Қуролли Кучларининг, Миллий хавфсизлик хизматининг ва Ички ишлар вазирлигининг корхоналари, объектлари ва ҳарбий-техникавий мол-мулки (саноатда қайта ишлов берилгунига қадар, шунингдек саноатда (қайта ишлов берилиши мумкин бўлмаган мол-мулк).
7. Ионлаштирувчи нурланиш манбаларидан фойдаланиб илмий-тадқиқот, тажриба-конструкторлик ишларини олиб боровчи, рентген ускуналари, асбоб-ускуналар ва жиҳозларни ишлаб чиқиш, тайёрлаш ва реализация қилишни амалга оширувчи давлат корхоналари ва давлат объектлари.
8. Радиоактив моддаларни кавлаб олиш, ишлаб чиқариш, ташиш, қайта ишлашни, радиоактив чиқиндиларни кўмиш, уран ва бошқа бўлинувчи материалларни, шунингдек улардан ясалган буюмларни реализация қилишни амалга оширувчи давлат корхоналари ва давлат объектлари.
9. Қурол-яроғ ва ўқ дорилар, ҳимоя воситалари, ҳарбий техника, эҳтиёт қисмлар, бутловчи қисмлар ва улар учун асбоб-ускуналар, портловчи моддалар, пиротехника маҳсулотлари, шунингдек уларни ишлаб чиқариш учун махсус материаллар ва ускуналар ишлаб чиқиш, тайёрлаш, таъмирлаш ва реализация қилишни амалга оширувчи давлат корхоналари ва давлат объектлари.
10. Овчилик ва спорт соҳасида фойдаланиладиган ўқотар қуроллар ва ўқ-дорилар, шунингдек тиф қурол (совға тарзидаги миллий пичоқлар бун-

дан мустасно) ишлаб чиқариш, таъмирлаш ва реализация қилишни амалга оширувчи давлат корхоналари ва давлат объектлари.

11. Кучли таъсир этадиган захарлар, гиёхвандлик моддалари ва захарли моддалар ишлаб чиқарувчи, шунингдек таркибида гиёхвандлик моддалари ва захарли моддалар бўлган экинлар экувчи, етиштирувчи ва уларга қайта ишлов берувчи давлат корхоналари.

12. Ўзбекистон Республикасининг давлат захиралари.

13. Фуқаро муҳофазаси ва сафарбарлик мақсадидаги объектлар ҳамда мол-мулк.

14. Атом энергетикаси объектларини (ускуналари, тизимлари ва аппаратларини ўрнатиш) ва стратегик аҳамиятдаги объектларни қуриш ва монтаж қилиш ишларини олиб бориш, улардан фойдаланиш ҳамда уларни таъмирлашни амалга оширувчи ихтисослаштирилган давлат корхоналари ва объектлар.

15. Портлаш хавфи бўлган ва захарли моддаларни ташишни амалга оширувчи ихтисослаштирилган давлат корхоналари ва объектлар.

16. Умумий фойдаланишдаги автомобиль йўллари.

17. Санитария-эпидемиология станциялари. Суд-тиббий экспертизаси бюрolari. Атроф муҳит ҳолатини назорат қилувчи ҳамда табиатни муҳофаза қилувчи хизматлар.

18. Жазони ижро этиш муассасаларининг даволаш-ишлаб чиқариш устaxonалари, корхоналари ва объектлари.

19. Махсус вазифаларни бажарадиган корхоналар ва объектлар (Республика махсус алоқа узели, 15361-ҳарбий қисм, Электромагнит мослашув маркази).

20. Қабристонлар.

21. Ўзбекистон Республикаси Президентининг қарорлари билан тасдиқланадиган рўйхат бўйича алоҳида муҳим ва тоифаланган объектлар.

22. Муомаладан олиб қўйилган ва ўзгага берилмайдиган ашёлар, шунингдек бошқа шахсга берилиши қонунда ман этилган талаблар.

23. Ўзбекистон Республикасининг қонунларига, Ўзбекистон Республикаси Президенти ва Ўзбекистон Республикаси Вазирлар Маҳкамасининг қарорларига мувофиқ давлат хавфсизлигини таъминлаш манфаатлари нуктаи назаридан уларга нисбатан гаров ва ипотека қўлланилишига йўл қўйилмайдиган бошқа объектлар.

Изоҳ.

Истисно тариқасида, Ўзбекистон Республикаси Вазирлар Маҳкамасининг қарорлари асосида, ушбу Рўйхатнинг 21-бандида кўрсатилган объектларга нисбатан гаров ва ипотека қўлланилишига, шунингдек бундай объектларга эга бўлган ташкилотлар томонидан кафиллик берилишига йўл қўйилади.